



青山集目錄

卷七

卧龍山泉上茗酌呈太守陳元與

酬運判毛正仲

奉和運判吳翼道留題石室

奉和廣帥蔣穎叔留題石室

奉和格守蔡希遠留題石室

奉和蔡希遠鵠奔亭留別

南安劉太守席上勸魯叔達酒

勸君歸示南康太守吳子正
儲溪重九阻風戲呈同行蔡東美
左彝亭重九夕同東美翫月勸酒
將遊五峯度夏代別倪倅敦復
和守訥上人五峯見寄之作
送上饒道士吳師韓復遊淮西
重九日同脩顯惠雲二禪師遊浮山訪洪璉

長老

龍眠行留別脩顯禪師

留別金陵府尹黃安中尚書

奉和安中尚書同漕憲登長干塔

即席和酬金陵狄倅伯通

沿水謠

遊陵陽謁王左丞代先書寄獻

和父

謝王左丞惠冰酒十五斗

題橫山陶弘景書堂寺

代先書寄廬邵朱龍圖

合肥李天旣朝請招鍾離公序中散吳淵卿

長官洎予同飲家園懷踈閣

麗人曲贈鍾離中散侍姬

中書舍人陳公元輿以詩送吾兒鼎赴尉

慎邑卒章見及遂次元韻和荅

次韻和元輿待制後浦宴集三首

醉歌謝太平李倅自明除夜惠酒

同蔣頴叔林和中遊藪孤臺

贈南康劉叔和秀才

姑蘇行送胡唐臣奉議入幕

嵩山歸送劉伯壽秘監

青山集卷七

當塗郭祥正字功父

長句古詩三十四首

卧龍山泉上茗酌呈太守陳元輿

君不見歐陽公在琅琊釀泉為酒飲輒醉自號醉翁
樂無涯醉來落筆驅龍蛇電電萬里轟雷車濃陰却
掃吐朝日草木妍媚春爭華斯人往矣道將喪雖過
絕景誰能誇又不見卧龍山下一泓水源接銀河甘
且美惜哉無名人不聞唯有塞雲弄清泚君携天上

小團月來就斯泉烹一吸不覺兩腋習、清風生便
欲飛歸紫金闕挽君且住君少留人生難得名山遊
汲泉滌硯請君發佳唱鏗金憂玉搖商秋斯泉便與
釀泉比泉價詩名無表裏自愧學詩三十年縮手袖
間驚血指君如歐陽公我非蘇與梅但能泉上伴君
飲高詠閣筆無由陪明年茶熟君應去愁對蒼崖詠
佳句

酬運判毛正仲

明公青霄我平地才不超群懷厚媿小邦苟祿度殘

年側望車塵掩玼癘海浪翻雲古渡頭感公為我須
使留請說相逢在何處上下梅山成昨遊忽得新詩
驚老格飄、真是金門客蹇驢已困何由攀一夜微
吟添鬢白

奉和運判吳翼道留題石室

雙峽天開控江水水自牂柯來萬里端州正在雙峽
間石室嵩臺壓孤壘誰傾北斗酌明河化作七山平
地起脩蘿高張翠羽蓋錦壁深藏赤鳳髓鳴禽交應
杵曰穀馴鹿見人行復止一洞能容百兩車三溪却

接滄溟底 瞻圓頂碧玲瓏
傍穿小竇陰迤邐不應
融結施鑄鏡浪磅乳滴何年始
森然物象難悉名古
圖脫落猶堪比老龜闔首龍縮角
猛虎磨牙鯨卷尾
又如壯士披肝戴主之忠死無已
蒼崖題字多唐人髻髻銀鈎唯二李
崑山祇不放雲霧開海神屢
汲蟾光洗歐陽古錄遺此碑我清香
媒傳以紙寂寥相望三百年乃有高才
繼瑰璋滌陽吳公富文采來
擁皇華宣使指霜威暫霽持謙尊許接清遊携酒醴
長絲千結盤彫梅藪、井刀膾頰鯉尋仙未遇飲正

豪落日嵐煙催返執明朝大句揮長篇
戛玉鐔金轟兩耳百靈持護歸羊城
論價欲酬誰可擬蔣公毛公並詩伯
筆陣酣戰秋風裏越臺朱明被題遍
鵠奔此洞重新美沈侯湘寺陪俊遊
韓子連山書宴喜勝槩遂今天下知名
齊五嶽無由毀自怜羽翮久零落只
欲早飛藏棘枳漫將俚語續公歌
投老那知遇知己

奉和廣帥蔣穎叔留題石室

西江赴海穿雙峽十里寒青半天挿
晴空倒影連明河滔、不礙鯨魚呷
絞綃高覆紫微冠翠簾平鋪玉

皇榻中藏石室與嵩臺巨壁後層老鱗甲欲飛未去
鳳逶迤將螯還伸龍匿匝浪搖蓬島何其危桂塞廣
寒無乃狹天匠不由基構成洞門大啟無人扃六月
來遊乃挾纒酌酒向口疑冰生三溪詰曲愈難涉舉
燭但愛煙漠、返似霜綠見山水盡平只許吳生是
有誰文未如昌黎物、為我從頭記自慚才短室冥
搜俚語未足蒼崖留元戎聞之索大筆默坐遠想書
勝遊憑凌風力若捕虎窟東景象如縛仇卯知子厚
弓雅健不識謝守為風流相、斯人富學海少陵重

生謫仙在淙琤擊玉敲黃金倚馬千言未嘗改高才
豈必世俗知浩氣已充天壤內又如淮陰善將略不
戰能令敵先敗暫辭侍從來東南羊城異日為傳巖
不唯巴牋吟詠足即看玉牒功名鏡滁陽吳公昔曾
賦落、文華精注措毛侯亦許送和章馬上橫戈寫
長句孰去高要陋且遐三篇入石神鬼嗟願揮硬畫
奪劍戟下視烏豨初遺沙此心雖大慮轉小刻就頗
憂龍作虵譬之博奕仲尼與群兒惡用相識諱端溪
石工古稱妙年、琢硯供正衙剛刀截碑易於硯龜

螭相射生形霞峴山石鼓久缺矣苦縣光和真瘦耶
流傳萬本入中國誰憐此樂瘴水涯共探泉石造淡
漠豈憶冠蓋追榮華公思歸乎欲致主四方飄泊予
為家予意無留亦無去等將幻質隨楊花

奉和格守蔡希遠留題石室

疊石稜層萬尋碧老仙自作琉璃宅儵然一徑出人
寰北斗三台無咫尺大巖香、吞滄溟小竇竦、吐
朝日芙蓉幕瀝乳成花鱗鬚摧頽龍蛻骨危絃脆管
透仙颯爛錦輕綃變雲物二李能書玉鈕懸借銀未

是真王質人亡國變今幾年唯有文章記首萃勝遊
况遇中郎孫詩擬杜陵相髣髴洪河噴作三門流寔
騎長驅五千匹令人驚嗟但縮手近世雄豪無此筆
不唯險韻難追攀學道輸君先得一

奉和蔡希遠鵲奔亭留別

攔干去天無一赤簾外三山蘸天碧樽傾濁酒延故
人拂、輕寒添暮色雙鵲飛奔迹已陳滿庭細草自
涵春孤城不復有冤氣法座垂衣逢聖神惟君萬里
分符去蒼梧之邦舜遊處九疑七澤皆相連墨海濡

毫寫長句又如李白才清新無數篇章思不群挺特
千松霜後見孤高一笛龐頭聞我於詩學非無意黃
蘆不並琅琊玕翠漫甘薄祿養殘年兩鬢垂絲成底
事教出還吞淚如雨同氣相求別離苦老來頻寄一
行書江邊魚雁無今古

南安劉太守席上勸曾叔達酒

金盞莫辭瓊液滿寶藥休嫌燈燭短圓荷翻雨碧雲
香小妓近人紅玉暖百年流轉能幾時一日相逢須
款、扁舟明發下前灘此會清吟應亦罕

勸君歸示南康太守吳子正

勸君歸腰下懸金祿及兒家有良田秫稻肥種菜結
實粟與柔江山滿日煙雲披長年之樂吾無羈何須
七十乃言歸行將七十能幾時分符持節力已疲才
德及人固無盡此身抱病欲何為

儲溪重九阻風戲呈同行黎東美

不登高不飲酒漠、黃沙翳衰柳扁舟繫纜未敢行
江頭白浪蛟龍吼故園菊花應爛漫客路無窮但搔
首却憶齊山小杜歌人世難逢笑開口

左蠡亭重九夕同東美翫月勸酒

平生看月無今霄一亭危在山之椒下瞰揚瀾連左
蠡白琉璃地覆鮫綃欲披錦袍槌鼓過世無賀老誰
相和屈原憔悴湘水濱夷齊自守西山餓且來登高
望明月拂：霜風濯煩熱身心都在清涼宮一點無
塵光皎潔與君同遊執君手况逢令節當重九不憂
短髮還吹帽頭上有巾先漉酒飲醇酒望明月我歸
姑熟溪君赴黃金闕明年此會知誰健細看茱萸莫
輕別

將遊五峯度夏代別倪倅敢復

六月執熱思雲泉五峯參差如紺蓮脩松桀栢上參
天老鶴棲唳哀猿懸常娥夜濯清冷淵巖戶晃白飛
群仙胡不往矣逃塵緣散髮赤脚臨風前高軒朱衣
君自便去住彼此遥相憐

和守訥上人五峯見寄之作

木杯足躡浮鷲湍却愛五峯如戲鳶一錫飛來車出
蒼玉髓又有黃金百鎰藏蒲團道人得道每如此倏
來忽往非生死叢林成就八百年香厨自供三千指

訥師今亦浮杯徒問答言詞瀉秋水脫去儒冠披懷
衣一生長在名山裏矜勤笑我騎鯨魚詩狂酒恠何
時已七言哦罷欲無言坐看峯頭片雲起

送上饒道士吳師韓復遊淮西

水精之仙降人間身披羽衣目澄瀾或求福禍語必
驗手中開闔陰陽闕淮西太守喜賓客鶴駕却欲乘
風還勸君飲酒莫言術龍虎收藏歸抱一

重九日同脩顯惠雲二禪師遊浮山訪洪璉

長老

邑城東南百餘里穿盡荒山渡重水林傾路轉大壑
開峭壁崔嵬半空倚上無勾連下無根鐫鏡難成畫
難比回環巖竇碧玲瓏月華吞吐湖光洗石鼓畫鳴
雲雨垂金雞夜闌龍虵起成公說法已千年事載龜
跌尚新美嗟予平生慕佛學空洞忘機造玄理暫來
福地神愈清况接高禪揮麈尾晉顯悟道天下師雲
璉毅名自予始精藍際會付三人淨衆如歸闍法喜
今朝更結名山遊寶閣珠樓同踐履達了無生無不
生一殺猿嘯清風裏

龍眠行留別脩顯禪師

桐鄉山水天下名龍眠氣勢如長城重岡複嶺跨三
郡磐壓厚地攢青冥東南佛寺号投子寺門洞啟元
無肩雪峯三來道方契鑿井百尺穿重水至今善利
永不泯輓轡夜轉聞寒聲慈濟玄談載金刹龜趺鱗
甲光熒、誰憂恠變碎以斧半落崖下莓苔青時移
歲晚人事塞高座竊据非真僧白雲徒侶半凋落泉
石往、荒柴荆我來扶契眼除昧顯自壽至人天迎
隨車貝葉五千卷寶藏突兀同時成張翁好施古亦

少助我福地還中興老禪呪龍未三日泉發石上吁
可驚晨厨千僧用無盡琅玕引溜何冷、城中客少
民事簡屢携茗酌來煎烹叩師玄闕問至理心地拂
拭菱花明妙峯勝會豈殊此迷即成凡隨死生明朝
官滿重回首別師馮作龍眠行

留別金陵府尹黃安中尚書

扁舟載月入金陵金陵尚書倒屣迎白髮愧彼南山
皓青眼欣逢阮步兵開壺傾酒飲未已卷紙連書吟
不停願如賀監憐太白莫作曹公嘆禰衡

奉和安中尚書同漕憲登長干塔

攬衣登塔窺沈寥黃金篆牌神所標層梯轉道二千
赤鈴索交響風常飄天厨曉送阿育供海月夜頌飛
仙朝南溟安在心欲化九萬一舉期今朝 我宋真
人啟閭闔堯舜之運重昭々佛老并儒跖足盛理歸
一善無煩條淨緣勝賞固莫逆足力強健朋儕要昌
黎首唱城南句東野繼作芬蘭椒諸公筆力闢穎發
七言紙上鏗琨瑤聚沙疊甍付童子秀實始自春之
苗凌空得路未足恃遇險驚魂安可招龍虎低沉鳳

鳥散藉此彈壓無侵妖四郊松柏列兵衛萬家絃管
均咸韶廣莊黔烏類蠖蟻歲望已覺元鼎調晴川踈
樹歷陽近浮雲蔽日長安遥貫輪巨木徹十地斜飛
八角穿重霄扶持故國肖父老綜領諸刹如孫髻循
欄作禮共悲仰絕頂進步誰騰超迹雖有為志頓壯
報且不盡功何遼揮毫題識未云畢城頭暮角殷迢
迢甍綿鋪舒換塵境寶燈照耀銀為橋乃知此會世
稀有請君審聽長干謠

即席和酬金陵狄倅伯通

虎踞龍盤古名郡勢欲凌波予未信偶搖雙槳下天
門白鷺三山隨一瞬捨舟登岸青溪瀨蒙柳眼初
含春感君携酒喚小妾要我一飲顏冠中開懷猛酌
寧緜醉明朝且入梁朝寺刀裁赤量非扇迷興來欲
跨橫空使南風更送琳琅篇明珠十斛投歸船與君
定交增浩然誰謂此行垂橐還

治水謠

去年圩破官不救闕食連止十八九今年大水如去
年民困適遭何令賢：哉何令能治水槍去木編蘆

多准擬賞罰公平貧富均赤脚親臨食止匕每趨危
墊必身先往復連宵幾百里浪頭作惡工莫施一拜
能令二龍起白龍先去黑龍隨鱗鬣分明皆見之須
臾浪定埂可禦父老驚嗟咸涕洟西門投巫安足比
亦勝乘輿濟溱洧活我生靈十萬家惠澤陰功決神
理天子臨軒方用才時有詔搜草萊請歌何令能
治水願採斯言獻天子

遊陵陽謁王左丞代先書寄獻

布衣射策趨蓬萊十年得志聯三台懷仁附義天下

悅忠言屢叩宸聰回不唯盡赦息錢息魯均惠澤
枯骸先皇晏駕舊臣老白雲黃鶴空徘徊藩城六見
換符節直道自任寧嫌猜昭亭扶春入畫戟句溪洗
月供吟盃佳賓三千集珠履赤子十萬登熙臺玄暉
比公固不足我攀太白慚非才披雲拂霧一何晚泥
滑不敢鞭駑駘明朝迤邐造賓榻願逢浩氣吹寒灰
玉上青蠅本無有都人爭望公歸來公歸來至尊夢

吉天顏開

謝王左丞惠冰酒十五斗

昨夕發姑熟今朝泊敬亭輕雲淡日天地暖杏花吐
萼梅飄零春光一瞬豈足賞聽公壘、高談傾昔年
庭爭動丹陛君臣道合趨昇平巖廊辭位已十載氣
度香、涵滄溟公田種秫作新酒槐槽旋注琉璃瓶
不將歌舞効俗飲時、一酌羞獨醒感公贈我十五
斗酒量安得如劉伶願公歸去廟堂上盡使斯民醉
醇釀

題橫山陶弘景書堂寺

先生燒丹騎竹馬肯戀蕭公碧城下故物無餘只五

泉亦有松風伴蕭洒誰來洗耳復洗心寥々千載聞
遺音寺門不掩象燈 猿隔數峯時一吟

代先書寄廬邵朱龍圖 行中

楊花塞路春無聲鳴鳩喚婦留春晴揚鞭朝發浚洎
縣卷簾暮宿金斗城城中主人漢賈誼妙年射策都
群英我冠獨立御史府冰霜凜々清朝廷免乘白雲
渡銀海十年望闕心常傾只今淮西課異等沉々玉
帳開府兵神機照物辨毫髮提刀四顧新發劄行聞
召節返西掖至尊開閣思談經豈容燕寢自頤養盡

戟森衛清香凝陳公雖解豫章榻白頭重愧非徐生
飄零漁艇荷蓑笠揣摩舊學荒柴荆願公一吐太和
氣朽株巖下逢春榮

合肥李天貺朝請招鍾離公序中散吳淵卿
長官洎予同飲家園懷踈閣

一閣橫開空連野水久客歸來洗雙耳二踈雖解散黃
金家園未必臨清泚坐見紛紛煙雨入千里瀟湘盡
圖濕魚鳥相忘蒲葍深兩岸桃花為春泣鐘離辭榮
已三品吳令早休今八十我亦棄官姑熟閑邂逅相

過手重執閣前旋解青板舩呼童移櫂選清淵四人
白髮笑且飲岸人疑是商山仙亦如賀監在東吳醉
下山陰弄鏡湖月色蓮香迷近遠且要李白騎鯨魚
古人今人樂如此出處無瑕傲生死君不見功成不
退人重看藍衫脫金紫

麗人曲贈鍾離中散侍姬

髮如盤鷓面如玉飄飄羅袖長芬馥妙年得侍碧虛
卿自道一生心已足黃鸝流語春日長綠窻繡出金
鴛鴦朝暮祝卿千萬壽不識相思能斷腸

中書舍人陳公元輿以詩送吾兒鼎赴尉慎

邑卒章見及遂次元韻和荅

嚼君老句勝牛乳又如早稼濛甘雨龍眠一別魚鴈
稀幾度看雲與雲語鳳池搥筆替帝齡珠璣洒落黃
金城臯端去聖鬼膽破霹靂轟車風雨驚事君以道
非難易不羨昔人囊有智柏梁此漢庭材寶賜顯
顯周廟器我在江湖寄此身碧蘆青荇遠黃塵感君
問我尚安否病樹前頭萬木春強汎月船追李白無
人愛客似田文

次韻和元興待制後浦宴集三首

往歲遭風洞庭浦
悔不携鋤從老圃
昨日金城逢故人
萬丈虹蜺思一吐
更在芙蓉池上遊
桂枝為檝木蘭舟
舞妓相將擢歌去
疑是西施浣紗處
皓腕翩翻雪藕絲
婉若遊龍或驚鷺
願公對客少留連
早晚沙堤問歸路

欲飛大白嫌秋暑
約我留連菊花圃

公詩有挿畫黃花君上路之句

擷芳持酒聽君吟
冰絲軋吳蠶吐
只今且挈茗盃遊
滄浪同泛採蓮舟
君當復入玉堂去
為我還思採

蓮處葉間爭看戲
鴛鴦花底誰曾愛
鷗鷺柳洲煙島

自迷人負嶠方壺
豈無路

誰為宓妃尋洛浦
且看芙蓉照秋圃
爛熳折隨羅袖

歸芬香忍對西風
吐官池不屬野人遊
畫鼓喧駕

鷓舟賓從欣陪史
君去筵開正在紅雲處

謂之獨携花島

椽筆發清唱老鶴昂
藏映雞鷺敢辭倒載委
籃輿絳

臘行音夾城路

醉歌謝太平李倅自明除夜惠酒

一年醉三百六十日
今朝年盡酒未盡
自顧形骸無

得失浮生七十行六十猛飲狂歌須汲、吾邦倅貳
李自明愛我頽然荷蓑笠雙壺滿送瓊瑤漿春氣爭
從四支入君不見劉項存亡安在哉暫時龍虎轟風
雷袁盎說行晁錯戮躡蹤刺客橫刀來又云舜野死
堯幽囚九疑連延雲霧愁不如飲酒醒復醉抱甕負
鍾渠無仇滄海化為酒蓬萊作糟丘與君携手去赤
脚踏鰲頭

同蔣穎叔林和中遊鬱孤臺

匹馬初從瘴嶺來登臨喜上鬱孤臺鬱然而孤挿天

半亂山却出晴雲堆雙溪倒流玉綃風萬屋蘸碧長
城開捫參歷井豈足數俯欄引手持斗魁月空銀浪
試一酌坐憂桂樹生黃埃妙娥舞袖回白雪琵琶十
面轟春雷吟戔分軸造險語酒令行賞無停盃哀猿
不斷片帆沒歸鳥自送殘陽頽自我作耕鉤客西
翁均是巖廊材共遊絕境發佳唱驪珠射目精光皚
升沉從此遂分手願借惠澤蘇蒿萊

贈南康劉叔和秀才

俊才落、如君少養之九年應大妙滿懷騷雅輒見

投圭璧琮璜予所要勸君且學克其科殿前筆陳揮
長戈錦標奪取獻天子寵祿及親榮耀多

姑蘇行送胡唐臣奉議入幕

登姑蘇望五湖范蠡扁舟竟何在吳王宮殿惟荒墟
民貪吏狡郡多事煮鹽為盜無完膚使君誰何好平
恕寬則脂韋猛則虎只今卧治聞黃公更得高才歸
幕府願令里巷歌召南風化流行成樂土昔年引對
大明殿國論軒、動人主往持使節臨朔方威靈秋
霜愛春雨玉上青蠅誰強指鼻端有壘寧傷弁弁沉

偶尔非吾嗟不用東方且為鼠豈聞絕代無佳人何
必西施妙歌舞盛傾綠酒繪肥鱸承詔還從大梁去

嵩山歸送劉伯壽秘監

松荒菊老嵩山秋翁將歸兮邈難留幅巾短袖騎黃
牛儵然自作山中遊山中遊誰與伴兩姬窈窕吹牙
管千崑萬壑鸞鳳吟常娥側耳冰輪款五音和暢王
道成不是嵇康廣陵散問公此曲誰為之曲、新翻
公自為古人今人不到處能與陰陽四序相推移我
知公心通造物豈止人間妙音律天子呼來換舊章

樂成四十有五曰奏之明堂奉 祖宗天地清明和
氣溢 至尊寵賜腰橫金自謂榮華非本心再拜辭
魏闕揚鞭歸故林故林在嵩山白雲幽徑深濯我衣
上塵重馮山水音只應王子晉跨鶴每相尋

青山集卷七

青山集目錄

卷八

補到難

巫山

招遯

廣言歸

殤愁

古思歸引

思嵩送劉推官赴幕府

巫山送吳延之出宰

山中

言歸

泛江

醉翁操

補易水歌

王逢原哀詞

徐孺興哀詞

留君儀哀詞

山中樂

石室遊

道遥園

孤雲寄潘延之先生

采薇山之巔贈張無夢先生

青山集卷八

楚詞體二十首

補到難 并序

當塗郭祥正字功父

真陽有山削立出江上陰翳其外軒豁其內名為碧
落洞天唐周夔羽皇題文命曰到難言其去中國之
遠而賢士大夫之所難到也詞則麗矣然未能盡碧
落之狀予取其言而補之題曰補到難篇云
到乎難哉碧落之洞天上有嵐壁之瑤局下有澄溪

之碧瀾碧瀾之下寸々秋色目窺之而可量手摩之
而莫得竇容光而練飛巖漬陰而乳滴如長人如巨
虵如翔龍如鑊鉚如倒植之蓮如已剖之瓜如觸邪
之獬豸如蝕月之蝦蟇或斷而立卧或起而立或欲
闢而搏或驚頷而呀若斯石也吁可恠耶何詭絕之
異觀嘗置之於幽遐到乎難哉長蘿羨秀瘦木諫直
香櫻寒而自媚名槩詢而鮮識煙霏々而引素雲悠
悠而奮翼亟模似其變態已滅然而無迹崩澌遠響
磬落瑟續聆之愈深詠之不足欲幽棲而忘返尚徘徊

徊而眷祿彼寧待乎世人蓋有安於仙躅到乎難哉
信夫到之難也匪到之難知樂此以為難知樂此矣
能久處之又為難余故補到難以題篇些

巫山送吳延之出宰巫山

送子之邑兮山之我々繫物之可賦兮曰如之何虛
徐悅耀兮匪車匪馬匪足匪翼兮奮于巖阿薄萬象
兮周四海爛五采兮揚天波倏然悄然以自斂安輕
素兮縈翠螺容與兮窈窕行止兮委蛇吐兮若英攢
兮若葩聚若白蟻散若楊花爰有靈依兮遂異于他

對之自然又不可求逐之無迹愴我離憂上下無窮
變化周流亂曰絲延天橋兮竟何補贊天工兮濡厚
土舒則有時兮卷則有所不為神女兮而為君子

山中

風蕭兮雲靄兮泉淙兮石皚兮禽驚人兮遠飛
去以復還容醉其間兮殊不知為冠帶髮被衣頰以
自顧兮誰為吾仇山花為我一笑兮山草為我以忘
憂嗟世人之愚兮竟營以何求求百年之寵榮兮
取萬世之奴囚怵讒舌之甚兮尚毀孔而謗周咄何
得而何失兮孰為馬而為牛歌數作兮飲未休石駭
以走兮泉凝而不流起挽石以道泉兮爾何我叛各
將去乎世兮結爾以長年之遊

招遊

遊兮樂歟吾能為子言之山高水長兮遊歲月而忘
歸期採木兮遊而食暮葺蓑兮遊而衣雲徜徉兮出
岫奮吾心兮與期日濁兮行天吊吾影兮沉西委
吾形兮自信豈塗檢之詰曲兮能屈伸而驚馳遊其
樂兮吾能為子重言之林之深則鳥獸遊而樂水之

深則魚龍遊而樂帝者之道備則生民遊而樂遊將
獨樂乎哉吾弗與也於是作招遊之辭：曰來音來
馬肥馭良弓遲子以歸虎豹齧人弓胡獨為宜朝有
好爵弓廩有好祿遊勿遊弓于斯之時

言歸

休歟歸乎何為而言哉予七齡而孤弓託慈育以苟
生捉手以筆弓口授以經緒先子之素訓弓夜未央
而丁寧既束髮以就學弓入必問其與游聞道之進
弓曰使我以忘憂課蠶而織弓紉衣以先汝使弗墜

業弓我勞而汝處慨薄德之眇末弓今逾壯而不揚
吾母耄弓戀故鄉雖得邑而祿弓曾寤寐之弗遑與
音問之吉弓孰若朝夕而在傍誰繫予足弓眷白雲
之徜徉還印綬於有司弓賢守足以往訢將俟代而
返弓念歲月之云暮休歟歸乎春山苑、春水瀾、
春蒲濯、春魚尾、吾親在前吾子在後飲甘滌潔
以介眉壽

廣言歸

予將歸弓而有言德眇薄弓言弗見信音伸孝乎為孝

予友于弟昂奚為之政予予之所存慨日月予往而
不返吾親八十予事之云晚朝廷清明予忠曷施
道弗行於家予何以教吾民之為哉嗚呼耕吾土予
足以食條吾桑予足以衣予奉親予孰不可樂予治
身予尤以為宜蹇何憂予何思恬無悶予無知休歟
歸乎以退為進乎予發諸誠乎賢誰弗信乎

泛江

歲在庚子月惟孟冬蹇予職事鼓楫長江慨感其懷
而為之辭去士有以處予無畝以耕者餘緒之尚抽

予慨慈親以遲榮徐虛縮瑟以內習予予寔愧乎先
民之心惚恍惻愴其不得已予被命于九江之潯戴
皇天之休予廩足以飽度白日之難予誰察予情汎
汎予北風怒浪予滔天撫慈膝予出門淚漣洏予就
船事將有責予死豈予之所畏蓋忠未足以盡報予
孝未克以自信惟行止之坎々予適簡罪以異生度
白日之難予誰察予情蛟蠶齒予岸摧蜃矯首予波
分妖鱗恠鬣曾莫識其名予怒銜牙以相嚼數將傾
而還復予予委命乎上靈幸生全而就泊予夜風止

而月吐曠上下之澄徹兮適縱觀乎琉璃之府北斗
揚光兮百恠潛伏岸芷露翠兮汀蘭放芬起予思之
無窮兮既弼影以自慰又苦辭以招魂辭曰始凶終
吉魂兮歸來奚往而失

殤愁

氣氛兮兮隘如魂颺兮寧居慧言在耳兮疇能捨
諸異質沉壤兮委夫頑虛鴻鴈零飛兮若獨何趨蘭
茝早悴兮天孰與辜雄雌啼兮巢失佳鷓天地黯
黯兮風雨呼兮旒翩兮導嚮夜冥兮永殊樽有

醕兮鼎有魚享弗享兮日月云徂

醉翁操

冷：潺、寒泉瀉雲間如殫醉翁洗心逃區寰自期
猿鶴俱閑情未闌日暮向深源異芳誰與搴忘還發
同瓊樓玉闕歸去何年遺風餘思猶有猿吟鶴怨花
落溪邊蕭然鴛語林中清園空山春又殘客懷文章
仙度曲響消、泛商回徵星斗寒

古思歸引

石季倫有其
序而止其詞

昔人思歸兮宅林藪之邃深阻長堤而臨清渠兮芬

翳、以交陰有觀閣池沼、通泉溜而附嶽、峯蹇美
羽之翔集、嘉魚樂而浮沉、時則命宴於芳晨、弓連
親戚與佳賓、執樂而侍、弓列秦趙之艷人、管絃奏、弓
歌悠揚而絕塵、漿蘭桂、弓羞肴珍、左琴右書、弓助為
娛而養真、又期於不朽、弓志傲然而陵雲、孰能婆婆
於九列、弓顧牽羈於繁文曲、有絃而無辭、弓述予懷
以自信、申歌曰、日駮馳、弓老將至、鑠外紛、弓中系累
歸去來、弓予之思、放吾形、弓聊逍遙以卒歲

補易水歌

燕雲悲、弓易水愁、壯士行、弓專報仇、車轄、弓馬蕭
蕭、客送、發、弓酌蘭椒、擊筑、弓喑咽、歌變徵、弓思以絕
易水愁、弓燕雲悲、四座傷、弓皆素衣、歌復羽、弓慷慨
髮上指、弓淚交揮、又前為歌、曰風蕭、弓易水寒、壯
士一去、弓不復還

思嵩送劉推官赴幕府

我思嵩、弓三十六峯之葱蒼、雲霞卷舒、弓紛五色而
爛、朝陽渺群仙之不可見、弓時有鸞鶴、雙翱翔窮崖、
斷壑、弓飛泉吼怒、春琳琅儼、脩松與美竹、弓碧離、

而低昂考周室之下世兮顧八表為中央天乃寵於
吾宋兮六陵相差而永藏惟傳祚之億萬兮豈八百
以為之長引伊洛之二水兮幸通汴而注揚回黃流
於故道兮滅湍射而汪洋橫星橋於河漢兮紫闕峙
而煒煌列槐植之行抗秀兮歷五代而經唐承太平
之雨露兮幸不遭乎伐戕為衆木之耆艾兮如羽蓋
之迭張慨離彼而適此兮亦出處之靡常既寓情於
物表兮獨思嵩之未忘忽有客兮鼓楫言別我兮靈
羊將度度嶺泓濤江涉淮汴汴入幕乎洛陽詞氣有

餘頓挫鏗鏘誠南士之穎出然未始離乎炎荒請陟
嵩而遠覽循今古而徜徉矯垂天之翼紫瓊瑤之章
於是被詔音登玉堂返眎乎羅浮未明如棄魚目而
懷夜光也

王逢原哀詞

追髣髴兮故國之高丘與子之相遇兮聽其言而若
秋雍、而肆兮嚴、而收樂我之心兮以遨以遊予
將娶兮于南州莫克從子兮翻自省以幽、川陸兮
沉浮日月兮再周云子之長逝兮愴我之深憂子不

可見弓道將誰求彼蒼者天兮胡憐胡仇奪子之速
兮使不位於公侯雖窮德之特立兮弗與世以綢繆
嗟坎水之未盈兮竟何澤以休兮瘖予之歎兮血予
之眸猶不足以止兮靈何在而薦羞惟永絕兮奈何
帳平昔兮悠々

徐孺興哀詞

嗟乎孺興之不幸兮上有高堂白髮之慈親孝不克
以自信平兮魂將逝而復返目冥々而莫勝兮顧天
命之予上短業倫々兮志與道配寂不少振兮遽沉

幽而終蹇蘭未芳兮先凋月將昇兮俄墮孺人囂々
兮追話言之弗足豪悠々兮魂去來而數歎感撫稚
子兮秋夜長暗明璫兮摧腕玉魂何知兮興予之哀
體與道化兮歲月徂而屢周情纏綿兮若俱往則已
矣詞不足以盡寄兮託餘思於江流

留君儀哀詞

南漳留定君儀才行之士也嘗有德於予今其卒矣
故為之詞以哀之

懷伊人兮漳水之湄爰結好之初兮予方出于隘窳

之羈縻彼知予之橫罹兮春煢兮而弗支氛侵兮而
襲人兮子獨贈我以蘭芝芳芬兮而爽吾哀兮雖厄
窮而弗疑言消兮而洗吾耳兮寂塵聽而凄其吹嘉
黍而納吾腹兮使朝則忘飢采薜荔為予之服兮慨
前脩之可追脂吾車而秣吾駒兮造仙的之幽竒煮
甘溜而茗酌兮珍盤進乎離支唱則和兮迭指摘其
醇醕同底于道兮遵聖渚為之歸聊容與以卒歲兮
曾弗察乎白駒之驚馳洎中告而啟行兮觴桂漿以
違離場南北之緬邈兮蹇形影之頽衰歌激揚而再

發兮淚浪兮以沾衣馬悲鳴而仰顧僕施負以增歎
行雲住而黯慘去鳥返而低迷歲聘介而一至兮孰
敢為之後期幸再往而再復兮釋予心之思也忽承
訃以躑躅兮行不知其所之也嗟若人之蘊美兮天
其奪之速也蹇松柏之枯折兮惡植則滋以榮也考
大室之役物兮必善搏而化之也將為麟為鳳兮對
明世而出也將為蘭為蓀兮芬馨香而薦上帝也將
為江為河以濟舟也將為雨為露而澤物也將復為
人兮英華於士林也將為仙為神兮自適於逍遙之

境也嗚呼以其塞之懷兮測乎無涯之朕以有限之
情兮導乎無窮之悲嗚呼其有知乎其無知乎吾其
能久乎吾將從子於重泉之游乎吾又何詞之哀乎

山中樂 并序

歐陽公有山中樂三章送惠勤師歸杭後四十年勤
師之孫元鍊上人頗好吟詠從予遊且言思歸舊栖
因擬山中樂一章以勸其歸其詞有同有不同亦各
言其志也必有讀者能得之
歸乎樂哉山中之樂兮其樂無窮藹蔥蒼而杳噴叢

弓蒼青瑤之諸峯琉璃一碧兮湖波止而溶、層樓
相望曲徑相通魚龍轉影於汀瀾之際鍾梵答響於
煙雲之中鳥嚶日暖兮花氣濛、寒密葉而成惺兮
風颯、而吹松巖谷玲瓏霜木落也玉宇浮空冰漸
凝也天高月朗兮定省乎華嚴之境雷奔雨驟兮作
新乎水墨之宮達僧擬王孫之葵圖法逸士林躡淵
明之蹤方尔祖之得名兮考其言於廬陵之醉翁曰
嗟世之人兮曷不歸來乎山中山中之樂不可見今
予其往兮誰逢後四十年尔復好吟遠遊不反求我

之從勸尔之歸兮栖老乎山中尔之材兮甚良當自
適其無庸之庸違世絕俗黜明塞聰山中之樂兮乃
可以久非我與尔兮誰同

石室遊

端城之北徑五六里有石室兮洞開其上則七山建
斗司天之喉舌其下則淵泉不流淨碧一杯窺之則
肌髮冰去酌之則煩心灰四傍則石乳玲瓏中敞圓
蓋窈々萬丈莫窮其厓孰納忠兮嗟肺肝之已露孰
止戈兮束兵伏而相挨儼衛士之行列肅庭臣之序

排紛披々弓蒂萼聚攢々弓條枚安而不可動老為
梁為棟奔而不可止者為虎為豺龜闔首兮屏息蚪
奮鱗兮搏雷恠々奇々弓千變萬態愈眎愈久兮惚
恍而驚猜何人境之俯近而仙宇之秘異如此者哉
蘿卷風兮窈窕春漬芳兮不迴或命佳客或寓幽懷
考二李之勁筆邕紳邕皆一時之遺材援玉琴以寫詠悵
夕陽之易頽方謝事以言返春茲室而徘徊雲惝容
兮泱漭鳥送音兮悲哀况百年之將盡邈夫萬里奚
復來

逍遙園并序

筠州之城西有園名曰逍遙因山而得名今鄒君幾
聖大夫之所有也予作逍遙園一首以贈幾聖云
逍遙有水一溪有竹三畝蘭芬菊芳松老石瘦堂居
其中亭列左右菲々兮春榮陰々兮夏茂孤猿嘯兮
秋夜長空桑暝兮冬雪畫山之名兮人莫知公為主
兮天所授其或要佳賓酌醇酎清吟得韻兮非人世
之絲篁屬筆成篇兮發天機之錦繡方且登高臺挹
遠岫俯仰群仙咨詢遐壽脫輪蹄之紫服煙霞之秀

於斯時也一舉九萬兮吾不知其為用嗒焉自喪兮
吾不知其為偶儻兮嘗兮非無之無寂兮息兮非有
之有無何亦何得而名有寂則寂處能以至若聽出
于垣觀入于牖此鄙士之常習又安得與夫逍遙主
人而為之友也哉

孤雲寄潘延之先生

望孤雲兮山之巔漭弗雨兮何油然送孤鴻兮海之
涘高舉翼兮遊無邊彼君子之如似兮脫世俗以不
返奚無悶而止兮又放意以窮年川有航兮陸有馬

園有佳木兮池有芳蓮坐卧兮白日笑歌兮朱絃客
空止兮樂我之樂豈公侯之下兮曾弗擇乎愚賢僕
夫以耕兮妾女以織恬弗愧兮我衣我食神仙之道
遥兮固不得以見之君子之宴息兮舉斯世以誰敵
嗟世人之自徇兮莫知其求勢得而傲兮勢失而囚
靡後先之思兮孰進退之由苟歲月之徙兮託冠帶
以包羞惟勇子之從兮負未足以自周匪妻子之累
兮寔吾親之憂慨負重兮執熱慕坦跣兮臨流

采薇山之巔贈張無夢先生

先生采薇山之巔兮吾非求為之仙吾無一畝之宅
一丘之田飢食山之薇渴飲山之泉巖為吾居兮鹿
為吾馬吾豈不足兮翱翔乎山之間彼世俗之混
兮嗟苦短之白日此一身之悠兮聊自樂以窮年
彼塵埃之荏苒兮此雲煙之綿聯誰謂才之大兮慨
匠氏之弗取吾獨幸其弗取兮森葱蒼而自全粵吾
君之為治兮三王之聖而吾相之為輔兮伊周之賢
吾父吾母兮皆善終以天筭進何憂而退何憾兮養
吾氣之浩然弔子進而贊曰采薇山之巔兮其樂也

如此衣曳々而情飄々兮願執轡而往焉

青山集卷八

青山集目錄

卷九

遊仙一十九首

春日獨酌十首

田家四時

朝登北山頭二首

感春二首

同阮時中秀才食筍二首

青山集卷九

五言古詩

遊仙一十九首

當塗郭祥正字功父

漠漠出寒霧悠悠趨太清
珠樓被重綃靈花紛素馨
青衣捧綠章磨丹書姓名
為我橫玉笛一奏雌龍聲

其二

非塵復非煙氤散紫清
乃知冷風御脩恣遊行
忽逢黃金闕云是玉帝京
逍遙侍御者不假精銳兵

其三

扶桑并咸池宿，殊在下真陽涵素光無晝亦無夜
神體當自保不與物俱化運齡從此長塵緣頓消謝

其四

至道不由學顏齡安可住宿命無纖罹重玄乃遐悟
鮮明女蘿君致我火澣布褶首存至誠欣會如所度

其五

至音非樂音玲瓏聞自然殊絕洞房景亦超鬱蘿天
靈壙下鶴馭問我來何緣却驚與世隔一別三千年

其六

深心華池液薰手玉樓香一披寶神經衆真共來翔
七言詠良遇至音迭琅玕珍重衛夫人行草記瑤章

其七

太微無列風紫臺多靈露逍遙三五客披衣縱高步
回首笑復歌遊此今幾度却嗟寰中人枉為死所誤

其八

仙家無四時瑤草常芬芳五嶽倏來爾玉鞭驅鳳凰
得道迭相度不聞嫉賢良所以心無邪人：自年長

其九

妙景素無雜玉界涵虛明妙教清不淫洞歌奏金鈴
真遇非遐想忘心乃全生噫哉百年內得失安足營

其十

我、金精中飄、清霞裙手持紫毛節身乘三素雲
駕言欲何適上朝玉宸君隱書謝所賜洞明道之根

其十一

脩然乘一氣來往遊太宇閑歌內景章遂登藥珠宮
華英不知名激齒甘液濃此樂無憂囂固非侯與公

其十二

投真落人世倏經四九年覩紛未嘗競內顧淨且淵
果逢飛行羽得披紫微仙携手浮絳波絳波春渺然

其十三

攀泐日月窟遂觀天地樞搗金鑄豪英搏糟醞庸愚
校量宿所造報應無差銖丁寧與世言安分勿浪圖

其十四

在天不擇友天人皆正一雲漢共翱翔隱耀無固必
豈同濁世遊自謂膠投漆毫端利害分白眼永相失

其十五

款逢九華妃授我磨鏡石一磨日月朗萬古永不蝕
緘之紫錦囊匪同趙氏璧纔落猛士手睨柱魯莫惜

其十六

二景結良匹曾非塵慮侵欣：啟皓齒玉珮揚清音
碧河并絳實採濯期追尋言舒意亦散雙好永齊心

其十七

神凝光自生洞房玄照映青絲散垂腰日采流玉鏡
共談上清事精微寄餘詠樂酣會既分雙駕還霄嶺

其十八

清條真可慕振衣願所歸既絕世上緣吾寧抱愁悲
雲韶自相諧虛聽方達微是將跨靈羽逸麟復攀追

其十九

窺天見天根步玄入玄門素光流一氣默：復渾：
揮手散餘景至心揖靈尊從今乃忘言大道多子孫

春日獨酌十首

桃花不解飲向我如情親迎風更低昂狂殺對酒人
桃無十日花人無百歲身竟須醒復醉不負花上春

又

江草綠未齊
林花飛已亂
霽景殊可樂
陰雲幸飄散
且致百斛酒
醉倒落花畔

平生最嗜酒
况復就花飲
明月正照人
吳姬安得寢
更起盡餘盃
擊碎珊瑚枕

芳華無十日
自勸頻舉盃
素髮易凋落
青春難再來
林間黃鳥轉
日下浮雲開
吳歌梁塵飛
越舞白雪回
英雄既長往
珠金安在哉
僅存一丘土
石麟卧蒿萊
誰曾將濁酒
為君傾夜臺

醉去卧蘭茝
安用張蜀錦
何必黃金盃
瘦杓亦足飲
物理不可齊
好惡乃天稟
真精既洞達
空無仍諦審
所以陶淵^明北窻
自歌枕起作
無絃彈此音
殊妙甚

又

雷殷散陽氣
晴景醉長天
綠從何處來
染我山下泉
汲泉釀醇酒
舉盃復頽然
寄謝伯夷輩
餓名安用傳

又

春日何遲、
萬物涵陽暉
看源上桃
並蒂花滿枝
雙梁間燕
營巢知所歸
凌霄附長松
託根亦有依
餘

生如不飲無以謝芳菲

不羞雙鬢雪折花向林間念此光景速未能身世閑
滿酌金巵斗遙望謝公山跡欲扁舟渡心先高鳥還
今朝不酩酊何以破愁顏

幾日待春光春光易衰歇流年信密移誰能保肌髮
何須秉蠟炬今夕值明月但願海變酒拍浮長出沒
歸來歸去來蓬山有仙闕

海棠微雨濕枝上殘紅泣山鳥啼向人春光一何急
濁酒注我腸免使新愁入却欲買扁舟漁竿荷蓑笠

田家四時

田、時雨足鞭牛務深耕選種隨土宜播擲糶與杭
條桑去蠹枝柔、待春榮春事不可緩春鳥亦已鳴
麻麥聞熟刈蠶成繰莫遲更看田中禾莠莠時去之
幸此赤日長農事豈敢違願言一歲稔不受三冬飢
開塍放餘水經霜穀將實更犂原上疇坎麥亦云畢
老叟呼兒童敲林收橡栗乃知田家勤卒歲無閑日
田事今云休官輸亦已足刈禾既盈困採薪又盈屋
牛羊各蕃衍御冬多蓄蓄何以介眉壽甕中酒新熟

朝登北山頭二首

朝登北山頭千里入平望本欲寄吾懷胡為返惆悵
晴雲隨白日西去沒青嶂素絲行滿頭吾年安可壯

其二

朝登北山頭悠々望江水水流無還期人老行已矣
勸君把一樽聊用置悲喜生無死何有原終乃知始

感春二首

高枝花自舞低枝花自笑上有濃露濯下有清溪照
開落十日間誰識春工妙一杯亦頽然獨醒時所誚

其二

盃々酒盃綠披々花萼笑雖無同心客幸有白日照
趨時性已拙悲歌殺不妙素髮未能歸猿鳥應相誚

同阮時中秀才食筍二首

蒼崖長龍孫頭角露已甚呼丁恣庖割移榻就濃蔭
恍疑羽林槍羅列在紫禁餘鞭橫瘦虵密箨若紉紅
亭々風勢勻節々泉脉沁藩垣謹藏護寧使暴客闖
烹調衆云美剪伐吾亦任繞齒嚼冰斯毛髮寒以滌
閒心本猿鳥世味嗟毒鳩野逸誰所憐愁思腸胃滲

詩才君獨勇辨舌予久噤酒行且莫辭醉膽滄溟浸
况逢堯舜治面內來左衽熙：冠蓋遊落：飽食飲
鸞鳳自橫飛燕雀蒙廣廈徘徊食筍謠明發扁舟賃
予生本無羈縲為茲縣尹日長公事餘佳客車接軫
入林安所食烹庖就肥筍森：蒼龍孫頭角遭束窘
金刀僕爭割紫箨手親墮草火尤相宜狼藉亦殘忍
聊為一餉樂得酒輒滿引喧呼綦屨勝慘淡詩不敏
予腹既便：從君莞而哂

青山集卷九

青山集目錄

卷十

姑熟溪

丹陽湖

謝公宅

凌歊臺

栢公井

慈姆竹

望夫山

牛渚磯

靈墟山

天門山

追和李白秋浦歌十七首

追和李白登金陵鳳凰臺二首

舟次新林先寄府尹安中尚書用李白寄楊

江寧韻二首

舟次白鷺洲再寄安中尚書用李白寄楊江

寧韻二首

奉同安中尚書用李白留別王嵩韻送毛王

仲大夫移浙漕

將遊宣城先寄賈太守侍御用李白寄崔侍

御韻

追和李白宣州清溪

留別陳元興待制用李白贈友人韻

留別宣守賈侍御用李白贈趙悅韻

追和李白郎官湖寄漢陽太守劉宜父

題化城寺新公清風亭用李白元韻

太守陳侯見要登黃山送馬東玉遂用李白

登黃山送族弟濟赴華陰韻呈陳侯并送

東玉

盛仲舉秀才歸自九華極談勝賞亟取李白

九華聯句元韻作二首誌之

青山集卷十

當塗郭祥正字功父

和李白詩四十三首

追和李白姑熟十詠

姑熟溪

源從丹湖來奔流朝北極
雙橋跨長虹千艘濟民食
日華動清曉岸柳搖行色
文王未出獵垂竿人莫識

丹陽湖

湖光際長天永日微風止
菱歌一舟去雪陣群鷗起

荷香迷近遠秋色瑩表裏試問賀季真何如鏡湖水
謝公宅

山腰存廢址昔是玄暉宅林藏幽鳥穀月弄野棠白
高賢百年盡遺事千古積此興欲誰論摩挲問磐石

凌歊臺

高臺築千尋勝景供遠目雲煙護城郭吳楚接川陸
不知歌舞散雌鳳叫空竹鬼火照殘碑應有精靈讀

栢公井

環營鑿九井：深泉不竭舊甃缺瓊瑤新苔荒歲月

重吟太白題興自相公發我欲喚常娥團圓伴澄澈

慈姆竹

一種碧琅玕櫟根繞蒼島濃陰不透日密幄得春早
笙隨緱氏仙釣入蟠溪好欲識化龍虵唯應雪霜保

望夫山

登高望天涯化石與君別秋鬢霜露深春衫薜蘿發
旅鴈只空飛悲煙長不絕行客歸去來芳心可休歇

牛渚磯

長江瀉危磯雷怒安可向煙雲忽藏月鯨鯢互噴浪

朱衣叱犀牛大丹青豈能狀引盃聊醉吟徑卧巨鼈上

靈墟山

仙人赴金闕靈墟躡高路空見白雲飛想乘黃鶴去
月冷步虛壇苔深煉丹處塵寰欲何為光陰等閑度

天門山

巨靈擘蒼山勢分金闕對月引曉嵐交江翻寒影碎
雙鳧落人間千帆出天外我欲往高吟凌虛踏煙靄

追和李白秋浦歌十七首

碧水碧如淀染成秋浦愁長橋通驛道危塚起朱樓

蕩漿誰家女菱歌自風流江心雪浪湧知解渡江不
却羨雲中鴈低飛過北州

其二

此夕宿秋浦蕭蕭古岸頭白雲和月散江水暗空流
不及水中鳥隨波上下遊客情須自遣知命適虛舟

其三

水晚舟楫止山寒猿狖稀雖憐秋浦好未敢濯征衣

其四

霜落荻洲晚水殘魚市衰唯逢採荷女素手理輕絲

其五

莫聽猿夜啼莫看蘆花雪倦客多少愁離家八九月

其六

水有錦馳鳥山多杜宇花扁舟投夜泊來自長風沙

其七

秋水適滌漫寧分馬與牛酒樓翻檀價不當白狐裘

其八

秋浦試北望參天九峯竒緣何謫仙客名作碧蓮枝

其九

萬丈水車嶺還如九疊屏北風來不斷六月亦冰生

其十

捨檝乘藍輦十里穿松林悲風西北至千、龍鳳吟
史君如杜牧方有愛山心

其十一

齊山一百洞咫尺接危梁雨過頻登望逼人松檜香

其十二

清溪十里岸蘆花八月天不惜錦袍濕應須擢釣舩

其十三

秋浦勝姑熟白鷗無數飛謫仙如得句須換一雙歸

其十四

老謝奪秋景橫卷披雲煙寓目不知遠何須家鞞川

其十五

鏡潭弄秋月始知秋興長金龜能換酒客鬢不嫌霜

其十六

半空紫微亭翫月動經宿更待雨中來林、看銀竹

其十七

秋浦一何好名因太白聞溪山圍市井鼓角下煙雲

追和李白登金陵鳳凰臺二首

采鳳何年此地遊高臺千古自風流寒煙淡、籠城

郭寶器時、出塚丘舴艋競歸芳草渡鷺鷥群舞碧

蘆洲重華不返蕭韶斷落日秦淮添客愁

高臺不見鳳凰遊望、青天入海流舞罷翠娥同去

國戰殘白骨尚盈丘風搖落日催行櫂潮卷新沙換

故洲結綺臨春無覓處年、芳草向人愁

舟次新林先寄府尹安中尚書用李白寄楊

江寧韻二首

金陵龍虎國况與王謝期掛帆須一往願借天風吹
昔解徐孺榻別來勞夢思鍾峯當北戶浮玉出東池
柳青白下門鷺棲瓊樹枝但對樽中物何嗟鏡裏絲
如聞紫泥詔起公翊明時需為天下霖一洗旱暵悲
請歌甘棠歌翻作新林詩

休居尚蒙祿願赴興龍期况此孱病姿感公久嗟吹
相望止百里株坐徒傾思呼僮刷鶴羽駕言別清池
往將投新林新林有高枝仰聽鸞鳳音軋々如抽絲
窮陰欲雪天鸞雀無殼時接物伸妙理運心廣真悲

如何持一盃要我百篇詩

每次白鷺洲再寄安中尚書用李白寄楊江
寧韻二首

白鷺飛還集新沙沒故洲山形龍晦角江氣蜃為樓
欲問前朝事空懷去國憂鍾磬萬家曉霜葉半城秋
化值唐虞盛人逢王謝流徐生思解榻兵醞可銷愁

其二

終朝蕩雙槳夜泊碧蘆洲重城已在望聞公宴層樓
華燈燦繁星浩歌正忘憂賓朋集珠履佳節臨千秋

謂近興願言刷微羽一飲清泠流舉目送高鳳蕭韶
龍節洗民愁

奉同安中尚書用李白留別王嵩韻送毛正

仲大夫移浙漕

春岸草回綠春江日浮金蘭舟忽言發芥蒂悲我心
藹：松柏友雍：鸞鳳吟願同三歲送母使離別侵
奈何千丈材亭：不依林春為九重知移節宣德音
遂令帝王澤深於太湖深豈同失群鶴飲啄憐空岑
誰將勞：歌一瀉無瑤琴

將遊宣城先寄賈太守侍御用李白寄崔侍

御韻

我：敬亭山玄暉有佳作賈公乃後自風流今與昨
易冠觸姦邪分符宛陵郭江湖暫徘徊煙霄必騰躍
予方卧閑雲時或乘皓鶴水縮龍蜃歸霜清天宇廓
安能坐隴畝淒：春藜霍陳蕃有虛榻黃埃侵斷索
能如汲黯直定許季生諾往哉不可失行聞還鳳閣

追和李白宣州清溪

清溪安在哉欲弄清溪水更邀琴高生携竿會於此

日落翠屏間，雞鳴桃花裏。不見避秦人，誰嗟遠遊子。
留別陳元興待制用李白贈友人韻

沉吟澗底松，不及堯階草。不經君王顧，枉被風霜老。
弱羽戀一枝，敢思浴天池。聞君有餘力，何惜一嘘吹。
青雲與黃壤，迴首隔追隨。

留別宣守賈侍御用李白贈趙悅韻

賈誼幾世孫，開邪誠所存。一登御史府，直氣壯中原。
五載三去國，士論皆騰喧。浩養固無害，宣城况名藩。
下車完積弊，摘節仍除根。乃遷孔子學，方庭樹蘭蓀。

講解得董生，思覃先聖恩。軒：慕高第，各不窺園。
修橋濟行邁，掩骼招旅魂。蕭：囹圄空清風，時掃門。
尋山出近郭，玉船紅浪翻。誰為坐上客，能酬謝公言。
自愧翅翎短，謬參鴻與鷗。不有瓦礫賤，那知圭璧尊。
矧叨半面雅，歲久情愈敦。三章寵新作，詞源何駿奔。
幾欲效長吉，微吟謝高軒。霜威信凜冽，即之自溫。
又如太古鏡，磨開蒼蘚昏。肝膽悉照徹，魑魅安敢論。
行聞紫泥詔，沙路馳歸轅。豈容隱巖子，留連爰石盆。
看君揚天翼，北溟終化鷗。而我隨白鳥，丹湖往孤鶩。

追和李白郎官湖寄漢陽太守劉宜父

遷客昔登覽愁煙頽四隅
自趨夜郎道心戀咸陽都
此景古來好此人今則無
空餘秋夜月素影湛平湖
便欲凌風去酣歌與君俱

題化城寺新公清風亭用李白元韻

唐時升老亭剪棘今重開
南瞻峨嵋闕北峙凌歊臺
新公將家子為僧亦多才
譬彼獨鶴唳安用群雞猜
或彈玉軫琴傾耳濯纖埃
清風不知處冷冽時時來
吹雲窈窕窈窕吹月徘徊
幽人許共賞渴心咀瓊梅

了然得真味塵魔自崩摧
令妖又豪俊書名駭奔雷
其妖冲雅善草書名重天下
禪談屢終久茗酌無餘盃
還歌太白篇事往良可哀
古今儻同轍浩氣不寒灰

太守陳侯見要登黃山送馬東玉遂用李白

登黃山送族弟濟赴華陰韻呈陳侯并送

東玉

穎川賢大夫虛懷蘊虹霓
雖分銅虎符合在帝苑樓
邀我登黃山攀雲絕長梯
霜林正搖落寒鳥鳴慘悽
金牛飲空渚天鏡開峨眉
塵埋宋武妓蘇剝開元碑

謫仙送客處魂斷白日低松梢想獨鶴軒昂避群雞
還思北溟釣赤脚翊鯤鯢時窮壯士耻思遠騷人悲
且舉一盃酒肯分雲與泥坐有北歸客張帆震雷聲
往獻白玉璞不憐紅粉啼薦章已交達高名動朝闈
君相必見收煙霄速橫飛盃停可以起看君開羽儀

盛仲舉秀才歸自九華極談勝賞亟取李白

九華聯句元韻作二首誌之

客從青陽歸為我談九華雪潭昨夜宿衣上有殘霞
鳴溜隔深木白鷗栖翠崖南遊豈是遠乘興必携家

其二

昔號九仙子今名九蓮華差、浮碧海葉、散晴霞
積霽迷金寺飛流滅雪崖開簾陪岸幘須覓夏侯家

青山集卷十



